

欽定石渠寶笈三編

欽定石渠寶笈三編

圓明園正大光明藏

高宗純皇帝御筆


書無逸

一軸
癸酉

集錦書畫

郎世寧唐岱沈源合畫幽風圖

一軸



高宗純皇帝御書無逸 一軸


本幅金粟牋本縱一丈四寸橫七尺五寸五分

御筆行楷書無逸篇

經文並識
不錄

右周書無逸篇乾隆癸酉孟夏月朔御筆鈐寶二
乾隆御筆所寶惟賢

鑒藏寶璽寶笈三編石渠寶笈所藏



卽世寧唐岱沈源合畫幽風圖

一軸

本幅絹本縱一丈三寸橫七尺六寸設色畫

幽風詩意款臣卽世寧恭畫廬舍鈐印二臣

世寧恭畫臣唐岱恭畫山水鈐印二臣唐岱

恭畫臣沈源恭畫人物鈐印一臣沈源上方

書幽風七月全篇款臣張照敬書鈐印二臣

照瀛海仙班

軸內鈐

高宗純皇帝寶璽乾隆御覽之寶

鑒藏寶璽

金五璽

寶笈三編

欽定石渠寶笈三編

圓明園保合太和藏

皇上御筆

書無逸

一冊
辛酉

書召誥

一冊
壬戌

書唐宋人寒食詩

一冊
壬戌

書程子四箴

一冊
壬戌

平定三省紀畧

一冊
壬戌

茂育摠芬

甲子一冊

書杜甫秋興八首

丁卯一冊

明慎用刑說

丁卯一冊

耕作圖詩

戊辰一冊

蠶織圖詩

戊辰一冊

書程子四箴

戊辰一冊

宗室訓八旗箴

戊辰一冊

書大寶箴

戊辰一冊

為君難說

戊辰一冊

虛受箴

戊辰一冊

心銘

戊辰一冊

書無逸

己巳一軸

勤政論

辛未一冊

列朝名人書畫

明陳枯畫花卉

一軸

本朝臣工書畫

儀親王書

御製盛京頌

一冊

成親王書

御製勵志詩

一卷

成親王書

御製養心室記

一軸

成親王寫生

一冊

王翬畫仙山樓閣

一軸

王原祁畫山水

一軸

陳元龍書四書

十八軸

朱珪書

御製勤政殿記

一冊

朱珪書

御製勤政箴

一冊

王杰書

高宗純皇帝御製賦得南風之薰詩並圖

一卷

董誥書

御製實心行政說 一冊

董誥書

御製唐寅田家樂十景詩並畫 一冊

董誥書

御製題惲壽平仿倪瓚十萬圖詩並畫 一冊

董誥畫墨莊覽勝 一冊

董誥畫二十四番花信風圖 一冊

戴衢亨畫壽寓同春 二冊

英和書

御製壬戌上元後一日小宴廷臣即席成什並臣

工恭和詩 一冊

黃鉞畫應敘徵豐 一冊

唐岱畫山水 一軸

集錦書畫

珍圖薈帙 一冊

緙絲書畫

緙絲

高宗純皇帝御筆四得論

一軸

緙絲

高宗純皇帝御筆四得續論

一軸

御書無逸 一冊

本幅金粟牋本摺裝八幅皆縱三寸七分橫

七寸五分

御筆楷書無逸

經文
不錄

辛酉孟秋下澣御筆鈐寶二嘉慶

鑒藏寶璽寶笈三編石渠寶笈所藏

御書召誥 一冊

本幅金粟牋本。摺裝六幅。皆縱三寸六分。橫五寸八分。

御筆楷書召誥

經文不錄

嘉慶壬戌春分前一日。御筆鈐寶二。會心不遠。德充符。

鑒藏寶璽寶笈三編石渠寶笈所藏

[illegible]

御書唐宋人寒食詩 一冊

本幅金粟牋本。摺裝四幅。皆縱三寸二分。橫
七寸七分。

御筆楷書並識

遊客趨梁邸。朝光入楚臺。
槐烟乘曉散。榆火應春開。
日帶晴虹上。花隨早蝶來。
雄風乘令節。餘吹拂輕埃。
李鳳城春色晚。龍禁早暉通。
舊火收槐燧。餘寒入桂宮。
鶯啼正隱葉。雞

聞始開籠藹藹瑤山滿仙歌始樂風

韋承處

寒食江村路風花高下飛汀烟輕冉冉竹日

淨暉暉田父要皆去隣家聞不違地偏相識

盡雞犬亦忘歸

杜

田舍清明日家家出火

遲白衫眠古巷紅索搭高枝紗帶輕難結銅

釵重欲垂新新衣踏盡還似去年時

王建

隴

麥欣欣綠山桃寂寂紅帆邊漁絕浪木末酒

旗風信步隨芳草迷途問小童賞心添脚力

呼渡過西東

范成大

唐宋人寒食詩壬戌仲春御筆鈐寶二嘉慶

鑒藏寶璽寶笈三編石渠寶笈所藏

[illegible]

御書程子四箴 一冊

本幅仿金粟牋本推蓬裝四幅皆縱七寸四

分橫六寸四分

御筆楷書程子四箴

全文並識
不錄

程子四箴發明宣聖四勿之精微足為後世為
學之心法君臨天下尤應尋繹探討謹小慎微
凡娛目悅耳發號臨幸諸事必察理於先斯無
悔於後初雖強勉久則出處語嘿自然從容中

道程子所謂習與性成矣予雖不敏請事斯語
嘉慶壬戌仲夏御識鈴寶二嘉慶御筆藝與道
兼

朱珪恭跋

臣聞克己復禮仁也其切要之目則在視聽
言動視聽言為耳目口之官動則該乎意與
身矣程子四箴發明最為體要是入聖之門
而為已治心之學也我

皇上御書於冊。而又推其義於君臨天下之法。蓋
體仁足以長人。而視遠惟明。聽德惟聰。惟口
出好興戎。德惟一動罔不吉。皆古帝王傳心
之要旨也。視則兼乎色與玩好矣。聽則兼乎
聲音與出納五言矣。言則兼乎俞咈與渙號
矣。動則兼乎興作與臨蒞矣。而尤在於一心
樞機宥密之間。慎之又慎。敬之又敬。克之於
幾。復之於獨省。以一心與

天相應與臣民相見則非禮者無由伺吾之間而入之夫然後所視所聽所言所動嚮明而治天下無不仰之若日月也由四勿之勉而臻四無之安所謂仁也

皇上克知灼見身體力行臣何由仰贊

聖德歟臣朱珪恭跋鈐印一臣珪

鑒藏寶璽寶笈三編石渠寶笈所藏

御筆平定三省紀畧 一冊

本幅紙本 摺裝十幅 皆縱六寸七分 橫一尺

御筆楷書

平定三省紀畧 天生民而樹之君使司牧之
奚能獨任斯事故必分命岳牧教養兆庶誠能
愛民如赤子民亦敬官如父母豈有干犯名義
之事哉若不知教養聽其游惰及至聚衆搶刦
不得不用兵討捕其實民則無知妄作官則不

教而誅良民被賊屠戮固深憐憫即罹法之賊
亦不知所犯豈非官失於教乎官既不教民則
有奸詭之徒創立邪教幻稱彌勒名踵白蓮飲
錢惑衆治病燒香妄談禍福因果愚民被其煽
誘醜類既衆遂思蠢動到處鼓惑並未易衣冠
立國號不過意圖剽掠子女財幣非有謀為不
軌叛逆之心遂於丙辰年辰月起於楚地又延
陝蜀承突狼奔蜂屯蟻聚焚殺擄掠無所不為

雖命將出師，練團集勇，奈旋翦脩起，東勝西逃，
勢如土火燎原，卒難撲救。朕夙夜焦愁，廣詢博
採，集議而行。虛衷延納，賴經畧額勒登保、參贊
德楞泰、忠勇清貞盡力籌辦，行間諸將士効命
疆場，不避險阻。而三省諸良民誼切同仇，知方
有勇，追奔逐北於蠶叢寒暑，饑餒艱苦，備嘗經
七年之久，事始告成。擒戮著名首逆百餘人，積
惡頭目數百人，掃除脅從二十餘萬。衆悔罪投

首者亦有數萬。而陣亡之將士。以及被害之黎
庶。更不可以數計。嗚呼痛哉。予受璽臨軒。適逢
斯患。實予不德所致。然揆厥所由。總因大法而
小不廉。上行而下不效。視官階為利藪。不恤國
計民生。惟思保位謀利。苟且因循。遷延疲玩。守
牧既如此。處心積慮。又何能體察小民之疾苦。
自然視同秦越矣。任吏胥作奸犯科。錙銖較量。
以致衆怨沸騰。激而生變。官逼民反之語。信非

謬也幸邀

天恩

考佑三省寧謐萬民復安予益凜

天命難誥民罔可畏治益求治安益求安兢業為懷
以期衆姓咸登衽席永為盛世之良民語云經
正則庶民興是在賢守牧實心愛民有為有守
除暴安良道德齊禮庶幾可望太平仰酬我

皇考六十年治世之苦衷於萬一若有剝削小民重

利忘義。或自顧爵位。徇庇劣員。或自肥身家。凌虐黔首。朕必執法重懲。決不姑恕。若有政聲卓越。善蹟彰著之良吏。朕必破格錄用。立加榮錫。咨爾內外臣工。贊襄圖治。公爾忘私。國爾忘家。上下交儆。用鞏我國家億萬載無疆之慶。是予之至願也。嘉慶七年歲次壬戌嘉平月之下澣御筆。鈐寶二。嘉慶御筆。澄神靜慮。

鑒藏寶璽寶笈三編石渠寶笈所藏

御筆茂育揔芬 一冊

本幅紙本 摺裝四幅 皆縱二寸七分 橫五寸五分

御筆楷書

林茂山逾秀 波平溪益清 水村進小艇 佳妙逐
步更飛廊 接曲院 謾謾松風鳴 靜觀物華暢 庶
彙欣蕃生 高柳舒密蔭 中庭翠幄成 花發馥郁
氣 鳥哢間關聲 對景漫怡悅 民事獨縫情 寰宇

至廣大。黽勉思持盈。芳姿標卉譜。獨冠百花
先。芍藥品難並。魏姚名夙傳。含風輕漾綺。映月
淡龍烟。五色輝爭燦。雙頰艷倍鮮。洛陽種富麗。
金谷態便娟。生意多繁茂。韶華首夏延。甲子季
春。御筆。鈐寶二。嘉慶御筆。萬有同春。

鑒藏寶璽寶笈三編石渠寶笈所藏

御書杜甫秋興八首 一冊

本幅金粟牋本。摺裝十幅。皆縱二寸五分。橫四寸九分。

御筆楷書杜甫秋興八首。

詩已並識

唐杜甫秋興詩八首。丁卯季夏伏日。御筆鈐寶。

二。會心不遠。德充符。

鑒藏寶璽寶笈三編。石渠寶笈所藏。

[illegible]

御筆明慎用刑說 一冊

本幅紙本 摺裝八幅 皆縱五寸三分 橫一尺五分

御筆楷書

明慎用刑說 道德齊禮聖王垂教之本意也
齊之以刑聖王不得已之苦心也代天子民者
君也為人君止於仁止之義蓋言一切用人行
政除暴去殘皆仁心所流露也君為衆父億兆

皆吾赤子。豈不欲其生而必欲置之絕地哉。誠以良莠不同。干名備義作奸犯科之徒。非刑不能齊之耳。而用刑之大旨。不外乎明慎。明者知其事之原委。察其情之真偽。兩造既備。虛衷聽斷。如日之光。不遺幽暗。犯法者甘心認罪。受害者了無嗔怨。此明之功效也。慎者胞與為懷。豈可任其殘賊。哀矜勿喜。一死不能復生。一字無虛。始可定案。片言不實。勿厭重推。總欲吾心毫

無疑竇則情真法協如衡之平焉有輕重倒置
此慎之功效也我朝立法至為詳備凡一罪囚
必經數次覆勘始定爰書在官者皆得預議至
於情實重犯尚候勾到有一綫可寬者改入可
緩視前代設鎮撫司習用非刑草菅人命者真
天淵之隔矣人心日流日下犯法者多案牘紛
繁詐偽百出問刑有司憚於聽訟漸至潦草隨
意不能虛衷延納反覆推求遂令奸詭者漏網

懦弱者罹罪健訟者逞刁覆盆者難雪皆不能
明慎之所致也朝審為恤刑大典誠兼聽並觀
盡美盡善之良法在京則大學士九卿科道在
直省則督撫藩臬司道公同會議雖古之明目
達聰何以踰此哉奈奉行已久視為泛常旅進
旅退無聲無臭覲顏謂毫無冤抑罪當情真間
有一二敢言之臣以從緩改實加重辦理為認
真益增秋肅之氣反失春生之旨所謂北轅適

越相去益遠矣夫明生於公公則無私無私始
能明慎由於勤勤則不怠不怠斯能慎嗚呼凡
百有位皆以明慎為用公勤為體庶幾辟以止
辟以馴至於刑期無刑鼓太和之元氣臻斯世
於大同遇可言之時行有為之績予一人實有
厚望焉丁卯仲冬中澣御筆鈐寶二嘉慶御筆
筆正心正

鑒藏寶璽寶笈三編石渠寶笈所藏



御筆耕作圖詩 一冊

本幅紙本，摺裝十二幅，皆縱四寸七分，橫一尺二寸四分。

御筆楷書

題耕作圖 浸種青陽序肇始，兆庶力田疇藏種筠籠貯。隔年堅粟收，清香滿盆盎。佳實浸汀洲，三日秧鍼起。從茲東作脩，耕綠畦新水。活穡務始於耕，雖藉烏犍力。先勞赤足行泥翻畝。

畝闢波漾淺深盈舉趾土膏動化機地底萌

耜耨深耕繼易耨次第紀田功人踏微波面牛
牽積淖中短袞難障雨破笠不遮風水陸皆宜
用胼胝南北同 耖方春農事接扶耖下深渠

蕩滌溪泥細疏通地氣舒策牛田父急驅犢牧
童徐沒膝涉淖庶期深淖除 碌碌耨耖序
咸度方施碌碌平勻泥依軌直旋軸濺波清器
本隨宜制功由運掌成樞機轉不息磊塊漫牽

縈布秧田畦既平治嘉種布芳津埂堰沿溪
直陂塘漾水勻涉波盈百頃播穀趁三春稠密
無行列移栽待候循初秧布種盈畦吟授時
春已深溶溶遞穀面簇簇茁秧鍼泥兩根滋隴
含風香滿潯老翁閒策杖茂對足娛心淤陰
土化沿周禮鳩鳴序不清農家無暇豫地脈有
肥磽刈草良苗茂灑灰短杓拋滋生先納垢至
理味衡茅拔秧韶華度九十節物近清和柔

毯鋪青甸。新秧滿綠波。移根透積淖。拔穎出圓
渦。越隴蒔南畝。連塍荷擔多。插秧好雨潤阡
陌。蒔秧首夏時。隔堤羣力作。終畝共忘疲。疎密
排成列。縱橫務合宜。佇欣千頃遍。嘉穎漾清漪。
一耘艮苗初發候。稂莠必先除。耘治勿留穢。
芟夷以漸鋤。分畦滌陳草。隴注清渠豐茂庶。
符願含飈蕤蕤舒。二耘再耘近炎暑。揮汗敢
辭勞。日炙畦波潯。風來陌樹高。開襟扇頻颺。饋

餉婦親操寄語治民吏。堂餐忍濫叨。三耘去
疾莫如盡。三耘始絕根。偃僂遍爬扶。穗莖望滋
蕃。人事戒疎懶。天工協潤暄。安良先斷莠。治理
念常存。灌溉水利通。溝洫田功茂。育加桔槔
流響逸。穰極漾芬賒。隔堰波翻影。盈疇浪疊花。
踏歌忘力倦。柳外日西斜。收刈耕春繼。耘夏
勤苦逮深秋。農務三時接。嘉禾千畝收。腰鎌刈
畦畔。背負度堤頭。遺穗兒童拾。連塍晚稼稠。

登場萬寶希成熟。登場慶老農。充盈皆玉粒。堆積若崇墉。勞力甫田獲。慰心稔歲逢。所欣免債負。百室樂熙雍。持穗年康徧。堆積曝曬趁秋晴。鋪穗如茵厚。碾場若掌平。連枷擊穰結。分粒擇華英。恍見豐亨象。沿村打稻聲。春雖民力真艱苦。農功無暇時。曉春依破壁。夜碓隔疎籬。願協田禾熟。心知節序移。索絢亟乘屋。已近禦寒期。簾杆白事差畢。仍須用竹簾。精華益珍。

貴。稼穡不留遺。敢忽田功細。相忘手力疲。重農
為政要。稼穡必先知。簸揚欲令精。粗判臨風
試。簸揚聲輕如散雨。影細乍流香。箕帚收宜淨。
斗升謀實臧。未能忘歉歲。多貯為留防。礱礱
礱及時用。軸旋共挽推。摩肩揮汗雨。礱齒響殷
雷。珠顆勻圓瀉。穀皮磊落堆。稼成誠不易。敦俗
勸栽培。入倉西成繼。粟烈分貯萬倉箱。力作
無閒暇。功收有蓋藏。完租消宿債。足食積餘糧。

顆粒皆辛苦臨民勿怠荒 祭神田祖司多稼
庶民報祀誠升香騰瑞靄擊鼓和歡聲獲稻實
倉廩知時順雨晴披圖表永慕務本厚蒼生嘉
慶十三年歲次戊辰季夏月之上澣御筆鈐寶
二嘉慶御筆筆正心正

鑒藏寶璽寶笈三編石渠寶笈所藏嘉慶御筆之
寶執兩用中

御筆蠶織圖詩 一冊

本幅紙本摺裝十二幅皆縱四寸七分橫一尺二寸四分

御筆楷書

題蠶織圖 浴蠶衣裳始上古教織自西陵考
禮婦功重浴蠶績事興化生喜溫暖濯濯避嚴
凝盆漾柴灰水勻齊時可乘 二眠治室務精
潔初生連蟻微布筐置槌架移箔捲簾幃頻以

柔桑飼無勞。纖手揮二眠。須靜待。色變候無違。
三眠已近清和月。黃光映箔初。三眠宜少飼。
一罇不令疎。晝夜功無間。平勻葉有餘。桃燈頻
體驗。勤視寸心舒。大起條度三眠序。脫膚大
起時。足腸盈。衆箔健。食蘊千絲心。已隨春老室。
須向暖移。桑乾飼無歇。奚用露華滋。捉績似
老食。偏健雨聲隔。戶聞炙盆火。須熟捉績視。宜
勤減飼絲。將足依時箔。欲分練光瑩。似玉珍惜。

勿紛紜 分箔春深益滋長薄箔遍分藏眠起
驗無舛衆多虞有妨迴環結佳葦高下置槃筐
充棟皆排架頻年喜美穰 採桑採葉供蠶食
季春碧滿林桑柔鋪有蔭絲老結無心筐負條
微折鉤輕幹未侵芳郊甘澤洽落甚小童尋
上簇絲腸欣既足通體現晶瑩布箔必稠密編
茅務穩平簇登草勻插網入繭徐成善育關豐
儉審宜貴致精 炙箔陰寒釀梅雨比戶下帷

簾箔上繭將作爐頭炭漸添含生緣避冷本性
豈趨炎緩炙休過燥功勤晝夜兼下簇鄰里
欣相賀家家蠶事成勻圓雪光皎錯落玉輝瑩
下簇分多寡聚籠衡重輕用功常不懈始得萬
絲盈擇繭衆繭須精擇因材用不同化蛾作
佳種排箔引涼風首選織絳美次供綿絮光由
來無棄物器使在虛衷窖繭藏繭置深甕沿
堤荷鍤從布桐看疊疊鋪簣觀重重窖地鹽微

糝埋原泥密封出綵待七日潤澤倍鮮穰練
絲離坎功相濟經綸展蘊藏瑩瑩翻釜爍軋軋
轉車忙撥緒箸抽繭縹絲手探湯工夫漸成熟
隔牖挹清香蠶蛾揀擇作新種槌箱紙四圍
子生勤覆養蛾化任分飛蕩漾隨楊陌翩翩傍
葦磯如山復如粟珍護待春歸祀謝蠶成申
報祀虔謝望豐穰天駟輝騰迥西陵澤衍長香
昇陳滿几絲獻祝盈箱衣被免寒凍抒誠遍里

鄉緯橫絲互旋轉，紡績用功初。錢眼貫成緒，
織星引就車。周迴繳樞速，圍繞度筒徐。次第法
精細，從茲杼軸舒。織作帛，織機始宵燈。照戶
阿堅持寸心，靜不覺萬絲多。綜躡難停杼，縱橫
頻擲梭。七襄紀小雅，光彩燭星河。絡絲繳輕
動音繼張机絲，縷勿縈紆。牽引絡於筴，貫穿度自
筴。挑燈宵正永，轉軸腕忘劬。力作休言倦，計功
課小姑。經層層排絡，雙上架往來。牽衆縷有

條貫一心善幹旋鳴機得頭緒運軸自綿延綸
綍應加慎如絲勿妄宣染色絲成皆潔白染
練煥縑紉璀璨萬條理陸離五采彰雲霞昭賁
飾黼黻佐文章朱綠元黃備含輝咸質良攀
花巧擅女工首雲章繪素綈緯經合樞紐心手
應高低運掌絲無舛擲梭花漸提織成由意匠
何處覓端倪剪帛帛成良不易欲剪復低徊
珍惜勞心製奚容信手裁乍看千縷合倏見百

花開尺寸休輕棄都從辛苦來 成衣已屆授
衣候成裳度庇身剪裁度脩短鍼線細縫紉無
褐憐昏墊忍饑塵苦貧農桑邛治本題繪憫黎
民嘉慶十三年歲次戊辰季夏月之上澣御筆
鈐寶二嘉慶御筆筆正心正

鑒藏寶璽寶笈三編石渠寶笈所藏嘉慶御筆之
寶執兩用中

御書程子四箴 一冊

本幅金粟牋本摺裝四幅皆縱三寸橫四寸

一分

御筆楷書程子視聽言動四箴

全錄文並識

程子四箴戊辰季夏上澣御筆鈐寶二會心不

遠德充符

鑒藏寶璽寶笈三編石渠寶笈所藏



御筆宗室訓八旗箴 一冊

本幅紙本。摺裝十四幅。皆縱七寸九分。橫八寸九分。

御筆楷書宗室訓 八旗箴

前已恭錄

嘉慶十三年戊辰七月御筆鈐寶二。嘉慶御筆
藝與道兼

後幅 臣工恭跋

臣等敬惟虞書敷治慎徽五典周官立教首

舉六行率育陳常帝王經世之大法也我朝

肇基東土

聖人首出昆弟宗族同心協贊八旗臣僕智勇奮揚其敦龐淳樸之風洵足超軼方夏重以

列聖相承建綱植矩教養兼隆百數十年來

恩明法備實乎尚矣然繁林翳薈則良楮並生大化涵濡亦張弛互見承平日久習俗易移我

皇上寅承

丕緒

作君作師

親政以來增祿秩復試額為宗室廣登進之途擴

養育頻

賜賚為八旗厚鞠謀之計前以旗人習尚漸易舊
觀

御製八旗箴以申儆之近以宗室子弟屢蹈憲章

御製宗室訓以告誡之

親灑宸翰彙書成冊臣等敬瞻恭誦仰見
仁育義正於宗室則

篤水源木本之思於八旗則
推股肱腹心之義如

天之無不怙冒欲使人人服習訓行節性防淫以弗
納於邪夫詩書所載如行葦之篇多方之誥
亦以示惇睦明保戒然類出臣工之贊述孰

若

大聖人本忠立教至誠愷惻之意著於

訓辭且如大易之書意不盡言俾聞者遷善改過
之念油然而自生凡在宗室八旗服膺

至教由是父戒其子兄勉其弟相與革其非心以
勗其善良忠蓋我

國家億萬年治本之隆胥賴之矣臣等曷勝欽
仰悅服之至臣戴衢亨臣趙秉冲臣英和拜

手稽首恭跋

鑒藏寶璽寶笈三編石渠寶笈所藏

御書大寶箴一冊

本幅紙本摺裝十二幅皆縱六寸一分橫九寸

御筆楷書張蘊古大寶箴

全文不錄

嘉慶十有三年戊辰七月下旬御書鈐寶二嘉慶

鑒藏寶璽寶笈三編石渠寶笈所藏

[illegible]

御筆為君難說 一冊

本幅紙本摺裝八幅皆縱四寸四分橫八寸
八分

御筆行楷書

為君難說 孔子著此三字以儆千古為人君
者不可視為易事也我

皇祖書於殿楣

皇考恭跋於後闡先聖之精微為後人之法則理暢

辭達義深

心貫誠萬世大經大法予小子奚能颺言簡末哉自
御極以來臨軒聽政仰循

成憲身體力行深知其難不可放棄試言其最難者
莫如聽言矣蓋天下之大兆民之衆一人之心
思耳目豈能遍及必咨諏博採集思廣益唯求
一是耳納諫為人君之美德拒諫為人君之失
德此定論也我朝

家法日接廷臣前席延訪原期周知民隱裨益政治
非談天論地為雕龍炙輠之言或講論二氏之
學崇虛無寂滅之教也進忠言者固不乏正直
之臣陳莠言者亦頗有儉壬之輩罪一莠言者
恐阻忠言之口不言能辨邪正轉似文過飾非
誠大難也推誠以待臣下虛已以求正言奈因
循積習唯諾成風畏事者緘口結舌挾詐者逞
其報復變亂是非顛倒黑白名為敢言之君子

實則亂政之小人聽言之際稍不採擇反墮其
術中尚不自覺誠大難也予既深知其難敢不
勉圖其易乎惟於政事求是非不以浮論為輕
重近年求治過急議論泛濫是予之過既知已
之非亟思警省以補闕失故著說自戒時念其
難然聽言之難止一端耳為君之難廣矣衆矣
亦惟凜

天命導

考訓兢兢業業日勉敬勤永保大業垂裕後昆世知
為君之難常荷

上蒼之眷。是予著說本意也。嘉慶十三年戊辰長至
月御筆鈐寶二。嘉慶

鑒藏寶璽寶笈三編。石渠寶笈所藏。嘉慶御筆之
寶。執兩用中。

[illegible]

御筆虛受箴 一冊

本幅紙本摺裝八幅皆縱四寸橫七寸九分
御筆楷書

虛受箴 君臨萬方大業荷負毓德有容集虛
能受載物坤元納汙含垢海蓄百川與天同久
淵衷若谷大智不矜內省洞達豈存愛憎衆善
畢至採擇服膺轉圜納諫常若勿勝守中不盈
信之母惑怡然保真寸田培植樂聞忠言朝多

正直自滿必傾賢路否塞愛諛拒諫禍患日深
中和達道養正養心化育黎庶暢觀古今慎脩
思永操存自箴 易曰君子以虛受人傳曰善
鈞從衆蓋一人之才識豈能周知天下之事哉
故蒐羅賢彥採擇羣言以衆所知助己之不逮
則上下交泰朝廷無不盡之言君臣咨儆庶官
無不脩之政所謂聖人感人心而天下和平矣
若炫己之聰明是自蔽耳誇己之才識是自欺

耳。雖實有堯舜之聖。亦必需皋夔之佐。惟堯舜
能受皋夔之益。惟皋夔能成堯舜之治。其本總
在虛受。方收實效。既作箴言。併誌予意。嘉慶十
三年戊辰長至月。御筆鈐寶。二嘉慶御筆。筆正
心正。

鑒藏寶璽寶笈三編石渠寶笈所藏嘉慶御筆之
寶惟幾惟康

[illegible]

御筆心銘 一冊

本幅紙本摺裝八幅皆縱三寸九分橫七寸八分

御筆楷書

心銘 心統百體涵性立基聖狂趨向一念轉移功先慎獨行無越思程子四勿楊震四知屏除妄想操存舍馳靜分理欲動合措施承百王後作君作師守成由舊蹈矩循規養正示則凜

依綱維太虛皎日屢照不疲欲屏外誘內省勿
欺年臻知命道義未窺寸田培植飽德若飴幾
餘自述念茲在茲嘉慶十有三年歲次戊辰長
至月中澣御筆鈐寶二嘉慶御筆筆正心正

臣工恭跋

伏蒙

聖諭以

御製虛受箴心銘二首俾臣等恭讀謹雝誦由經

再四熟復竊以為

聖人之心即

天心也。天道下濟而光明。九重圓則湛然穆清之表。用能函蓋萬有。區育庶彙。時行物生。而蒼蒼者不見其迹。莫名其功。故曰惟天為大也。帝王之德。上及泰清。下及泰寧。中及萬靈。庶司百職。事之分猷。與四時五行之布化。其體則一天。在山中象為大畜。言乎虛而能下也。易

卦六爻皆吉者惟謙。虧盈益謙。天之道也。今
睿製以虛受名箴。以心著銘。而引伸於善鈞。從衆
涵性立基之義。夫合萬善以成元善。於翁受
之原。得咸感之妙。天德基於是。天心復於是
矣。且應萬事者心也。統百體者心也。大易之
閑邪存誠。中庸之戒懼慎獨。以驗德隅。以昭
心矩。實則完其大虛之體而已。惟協於一者
勿貳。勿參。斯蘊諸中者。不偏不倚。未有偏黨。

頗僻之胥泯而其心不臻於廓然大公者也
公其心故能合天下之心以為心而納牖之
量愈宏詢莛之遠愈廣堯之稽於衆舍已從
人舜之好問好察執兩用中胥是道也我
皇上握符陳樞至德凝道舉知命之微言契
法

天之全體猶復

聖不自聖謙而又謙此乾元所以有功不宰而凡

依

日月之末光者所宜夙夜匪懈精白乃心勉竭涓
塵冀稍裨海岳而無當於萬一者也臣等曷
勝心悅誠服之至臣董誥臣戴衢亨臣趙秉
沖臣英和拜手稽首恭跋

鑒藏寶璽寶笈三編石渠寶笈所藏嘉慶御筆之
寶惟幾惟康

御書無逸 一軸

本幅絹本縱八尺八分橫四尺三寸七分

御筆楷書無逸

在文不錄

嘉慶十有四年歲次己巳首夏清和御書鈴寶
二嘉慶御筆之寶執兩用中

鑒藏寶璽寶笈三編石渠寶笈所藏嘉慶御筆之
寶



御筆勤政論 一冊

本幅紙本摺裝八幅皆縱三寸八分橫七寸
六分

御筆楷書

勤政論 語云民生在勤勤則不遺自天子至
於庶人皆有職業無不以勤為先務也易曰天
行健君子以自彊不息人君為天之子董正治
官安民保極一日萬幾非勤何以克副必致叢

脞廢弛矣。從來治世之君，未有不勤；亂世之主，未有不怠。勤則治，怠則亂。治亂之機，本於勤怠，非淺鮮也。我朝

列聖豐功駿烈，載在

實錄，不可殫述。仰窺

心法，以勤為本。子孫世守，永保皇圖，不可忽也。若云君勤臣怠，事終無成，是仍心甘怠慢，諉過於臣。下予斷不存此念也。唯孜孜不息，日勤庶政，即

有一二疲玩之臣亦必翻然改悟協力同心共成郅治上行下效總自君心所在也天下未有不能辦之事所患者無能辦之人耳若振策精神奮勉有為自然政務就理民風丕變在君上一心潛移默化充實而有光輝以馴至於治平皆勤之功效也即以養身而論唯勤勝怠記云莊敬日強安肆日偷聖人常惜寸陰衆人當惜分陰莫不以勤自勉惟恐涉於怠也子曰惟上

知與下愚不移。上知必勤。下愚必怠。性之所近。故不移也。進德敗度之分。勤怠所繫也。予小子渥承

考澤。付以邦家。中外億兆。一人治理。任大責重。兢業存心。恒恐隕越。

訓政三年。言猶在耳。何可不勤。何敢不勤。又何忍不勤乎。曾製勤政殿記。勤政箴。尚未深切。著明。茲特引伸其義。誕告百工。各勤乃職。無怠爾心。弱

予成一代賢君願諸臣毋自棄焉予惟日加自
勉曷敢少懈勤政貽史冊之譏評我君臣願互
相勸戒用成交泰明良之盛世不亦休歟嘉慶
十有六年辛未冬日御筆鈐寶二嘉慶

鑒藏寶璽寶笈三編石渠寶笈所藏嘉慶御筆之
寶夙聞詩禮凜心傳

[illegible]

明陳枯畫花卉 一軸

本幅紙本。縱四尺三寸，橫二尺。墨畫梅花、水仙、竹石。款：嘉靖乙卯冬日長洲陳枯寫。鈐印二。陳枯之印、陳氏子正。

鑒藏寶璽 鈐璽 寶笈三編

[illegible]

儀親王書

御製盛京頌 一冊

本幅黃牋本。摺裝十幅。皆縱五寸一分。橫七寸三分。楷書。

御製盛京頌 有序前已恭載 款臣永璇敬書。鈐印二臣。

永璇敬書

鑒藏寶璽 五璽全 寶笈三編

[illegible]

成親王書

御製勵志詩一卷

本幅紙本縱七寸六分橫三尺一寸八分楷書

御製勵志詩

丙辰元旦晨

授璽正君位從古未有

恩渺躬幸身被兢業日不遑勉圖政務治外域沐

考慈。新疆久安置。內地生齒繁。良莠從其類。官常多
因循。貪得盈。胥吏上行下必循。愚民半徇利。忘
害趨汙泥。邪說競縱肆。引誘惡少年。淫蕩罔顧
忌。百辟疲玩。深尸祿。皆浮議所重。已身家輕視。
朝廷事。總緣予咎。滋念及祇。揮淚為君。固極難。
為臣亦不易。

列聖厚澤長。盡職各勵志。


款臣永理敬書鈐印二

臣永理

鑒藏寶璽

金五璽

寶笈三編



成親王書

御製養心室記 一軸

本幅宣紙本縱二尺六寸五分橫九寸六分
楷書

勤政殿東為保合太和軒庭宏敞竹樹幽深長
夏清晨每於茲庭中披閱奏章境界清涼不覺
炎暑其東室題額曰養心爰書毫作記以誌予
意蓋自古聖帝明王精一傳心正己圖治君心

正天下莫不歸於正人主一心上承祖考之付託下撫寰區之兆民至重至鉅豈可不涵養於平時應機於臨事哉養心之要在於典學尊聞探討經史之奧旨玩味詩書之雅言無時稍放宵旰操存屏除七情六氣之消磨則天君泰然百體從令發而皆中節矣夫飲食有時起居有節此養心之小道也本仁祖義志道據德此養心之大本也明鏡不疲於屢照常使清明在躬

氣志如神臨民莅政庶免叢脞之患退朝燕居
遠屏聲色之娛一念敬勤四表光被養心為平
治之原此予所昕夕自勉不敢稍忽者也凡人
之一心苟失其養不過貽患於身家若人主之
心稍有偏執不得其正上負祖考下害黎元其
禍可勝言乎思及此彌殷兢業之懷益凜苞桑
之戒上格天慈下化民俗致中和贊位育胥在
於予之一心所繫豈淺鮮哉

御製養心室記

款臣永理敬書鈐印二臣永理

鑒藏寶璽

金五璽

寶笈三編

成親王寫生 一冊

本幅金粟牋本摺裝四幅皆縱四寸橫八寸
二分墨畫梅花竹石虬松叢蘭款臣永理恭
畫鈐印二臣理

鑒藏寶璽

五璽

寶笈三編

[illegible]

王翬畫仙山樓閣 一軸

本幅絹本縱四尺六分橫一尺五寸六分設
色畫雲霞綺麗樓閣參差琪樹瑤花丹崖翠
壑有策杖者有抱琴者有騎牛欲渡者款庚
申中秋前三日倣范華原倦山樓閣圖石谷
王翬鈐印二王翬之印石谷子

鑒藏寶璽

五璽

寶笈三編

[illegible]

王原祁畫山水一軸

本幅絹本縱四尺五分橫二尺五分墨畫雲
峯松壑款。日講官起居注詹事府詹事兼翰
林院侍讀學士臣王原祁恭畫鈐印一臣原
祁

鑒藏寶璽

五璽

寶笈三編



陳元龍書四書 十八軸

本幅絹本十八幅皆縱四尺四寸四分第一

至第六第十三至第十八幅橫俱一尺三寸

一分第七至第十二幅橫俱一尺五寸楷書

第一幅首標題大學二字次書朱子序子程

子曰條次書大學文

朱子章句文不錄

次標題中庸

二字次書朱子序

而以為有人心道心之異者之字止

第二幅

朱子序

異字起至末訖

子程子曰條次書中庸文

朱子

章句、大不錄、信乎
朋友有道朋字止
第三幅中庸
友字起學者
其可不盡心

乎
訖次標題論語二字次書朱子序說次書論

語文
第二政字止
第四幅論語
第字起務民
之義之字止

第五幅論語
義字起政事冉
有字路政字止
第六幅論語
事

起或問子
第七幅論語
產字起子
第八幅論
語

語
君子尚勇乎
次標題孟子二字次書朱子

序說次書孟子文
大不錄以健秦楚之
堅甲利兵矣之字止
第九

幅孟子
堅字起則疾視其長上
之死不我視字止
第十幅孟子

其字起若不相似然相字止 第十一幅孟子似字起義義乎有天下而

不與焉 第十二幅孟子天字起是猶惡醉第有字止

十三幅孟子猶字起君子所以異於人者異字止 第十四幅孟

子於字起未聞以 第十五幅孟子烹字起春

止 第十六幅孟子弟字起屋廬 第十七幅孟

子悅字起其子弟 第十八幅孟子子字起款

康熙四十六年春王穀旦 經筵日講官起

居注詹事府詹事兼翰林院侍讀學士加三

級臣陳元龍敬書

軸內鈐

高宗純皇帝寶璽乾隆御覽之寶

各軸同

鑒藏寶璽

五璽全

寶笈三編

朱珪書

御製勤政殿記 一冊

本幅金粟箋本摺裝八幅皆縱四寸二分橫八寸楷書

御製勤政殿記

我

皇考於理事正殿皆顏勤政誠以持心不可不敬為政不可不勤也六十餘年身體力行垂教後嗣

子孫臣庶觸目警心。知所效法。永保無疆之祚。常警怠忽之念。予小子敬承大業。夕惕朝乾。無時或懈。蓋天下至大。惟日孜孜。恒恐不及。若聽政不勤。或勤而不加審察。則叢脞隨之。流弊滋甚矣。夫敬為勤之本。惟敬勝怠。心主於敬。則無時不提撕警省。所謂清明在躬。氣志如神。遇事洞燭。見理精詳。雖克勤而不覺其勞。無所用其勉強。從容中道。心主於敬之功效也。自天子以

至於庶人皆以敬勤為立身之本君勤則國治
怠則國危臣勤則政自理怠則政不綱為學不
勤則學業無成力農偶怠則田功必棄以至工
商賤業事雖異而理則同也然勤勝怠人所同
知彼好逸厭勞者皆心不能主於敬故不勝怠
惰之念耳我朝

家法無一日不聽政臨軒中外臣工內殿進見君臣
無間隔睽違上下交泰民隱周知視前明之君

深居大內隔絕臣工。竟有不識宰相之面者。相去奚啻霄壤。朕承

考訓。曷敢忘敬勤。曷敢耽逸樂。一日二日萬幾至繁。且重內而六部九卿外。而直省大吏。誠能夙夜在公。存心匪懈。各勉敬勤。匡予不逮。衆志成城。何患不治乎。若心存懈怠。身耽安逸。惟知尸祿保位。國計民生。漠不動念。則政事廢弛。其害可勝言哉。故書此記於殿壁。既以自戒。兼告諸臣。

庶幾永持此敬勤不怠之志仰副我

皇考垂示後人立身圖治之大經大法期共勉以毋
忘是予之至願也謹記

後跋

臣惟周公之作無逸也曰君子所其無逸曰
皇自敬德孔子之論政也曰先之勞之曰無
倦又曰脩己以敬然則勤敬者脩己為政之
要貫乎上下者也民生在勤勤則不匱王敬

作所不可不敬德聖賢千言萬語惟勤敬二字培天命屬民心治忽之幾安危之原無以易之也我

朝

重熙際盛敬

天勤民為萬世式

皇上紹衣

心法於

題殿之意

瞻矚揭示不啻

羹牆牖棟之觸目而怵心雖湯盤武銘未有如此之
深切著明者矣天體無刻不轉旋日月經緯
順天而動不勞而四時成所以為乾德之健
也地脈無時不周流江淮河海循地而運不
息而百昌遂所以為坤道之貞也王者法之
朝乾夕惕與時偕行直內方外德合无疆臣

工誰敢不敬應庶明安得不勵翼真

國家億萬年蒼生之福也臣朱珪恭跋敬書鈐

印二臣珪

鑒藏寶璽

五璽

寶笈三編

朱珪書

御製勤政箴

一冊

本幅紙本 摺裝六幅 皆縱四寸 橫六寸一分

楷書

御製勤政箴

為政在勤。勤則不匱。建極寰區。凜承主器。一日
萬幾。曷敢暫置。居敬開誠。殫心撫字。宵旰不遑。
永勵此志。誕告百揆。敬共爾位。亮采寅清。竭忠

盡智務抒大猷毋憚小累。致君澤民夙興夜寐。
一德咸孚欽明光被勿耽晏安日就怠棄弼予
一人勉圖郅治

後跋

臣惟乾之象傳曰天行健君子以自彊不息
蓋乾備元亨利貞之德故二三四五皆有君
德而六位時行則勤莫勤於乾之不息矣其
餘備四德者六卦坤屯隨臨无妄革皆臣道

也因其時合其德則能承天而輔化所謂克
勤于邦業廣惟勤民生在勤者合上下之道
也書曰君子所其無逸所謂勤也詩曰夙興
夜寐無忝爾所生故曰勤則善心生也我
皇上朝夕乾乾與

天合度故一日二日謹于萬幾而緝熙純嘏氣志丕
應者用以凝承

昊綽鼓勵百工四方億兆皆仰

一人之心乎而躬教臣等敢不敬寅翼為於下以
仰副

聖主之勤求治理於無斁也歟臣朱珪恭跋敬書
鈐印二臣珪

鑒藏寶璽

全五璽

寶笈三編

王杰書

高宗純皇帝御製賦得南風之薰詩并圖

一卷

本幅紙本縱六寸一分橫二尺七寸五分楷
書

御製詩並設色畫詩意

御製賦得南風之薰

得同字
八韻

協帝光軒頊亮天欽始終爰興大鹿野乃撫五絃
桐心忖傳將手表揚蘊以中人聲詢右孝詩語造

南風念念厓民隱言言企化崇財期九功敘愷解
萬方融在位虞賓讓來儀鳳鳥翬爛然八伯進景
仰敢希同款臣王杰敬書鈐印二臣王杰

鑒藏寶璽

五

寶笈三編

董誥書

御製實心行政說 一冊

本幅紙本摺裝十三幅皆縱二寸八分橫八寸五分楷書

御製實心行政說

以實心行實政則治否則亂一身一家推而至
於朝廷天下總不外乎務實也方今大弊官無
實心民多偽詐官則因循怠玩民皆譸張為幻

上下不交。寡廉鮮恥。不但不能遵守朕訓。甚至
奸徒醜詆。竟漠不關心。毫無動念。誠怪誕之極
矣。身家念重。國政念輕。以實心為國。則流芳百
世。否則貽臭萬年。人生上壽。不過期頤。既出仕
於朝廷。而又甘居庸碌。悠忽度日。是誠何心哉。
聖賢心法。祇一誠字。誠者。真實无妄之謂。試問
諸臣能致誠乎。能無妄念乎。恐未然也。小人之
德。草在上位者。實心既少。庶民妄想必多。始而

飲錢惑衆尚屬小妄想。馴而至於揭竿作亂則
大妄想動矣。自古亂賊稱王稱帝者有之。從未
聞有僭上古三皇之號者。是世道人心日趨汙
濁。我君臣既為斯民之長。豈忍不盡心竭力。鞠
躬盡瘁。補救於萬一乎。若旅進旅退。惟利是圖。
同乎流俗。合乎汙世。自思後代評論為何如人。
當必汗流浹背矣。諸臣盡一分實心。國家受一
分實福。民生免一分實禍。承上接下。惟諸臣是

賴唐虞庶績咸熙。皆岳牧贊襄之力也。朕多失德。故遭去秋之變。昕夕不能去諸懷孜孜求治。曷敢懈弛。諸臣近日漸忘斯事。召對之時。又云無事矣。嗚呼。餘逆未擒。謠言煽惑。側席不遑。尚恐怠忽。忍心言無事乎。是可忍也。孰不可忍也。朕以實心著實說。遍誥朝士。以實心行實政之。良臣必能副朕實心。從朕實說。若不能領會。謂朕之言無關緊要者。是誠頑石不若。不可與言。

而與之言。失言之咎在朕。欺飾詐偽之名難逃。史筆也。忠奸之辨在實偽二字之分。清夜捫心。不言而喻矣。

後幅恭跋

臣謹按書經專言政事而精一首重心傳堯典之紀釐工熙績也。以平章昭明為協和時雍之本。舜典之言時亮天工也。以惠疇亮采為柔遠能邇之徵。誠以立政要根於立心而

實德即施於實政。百官之綱紀。惟明萬邦之
則。傲有準。自古聖帝明王。所為諄諄誥誡。澄
敘官方者。胥在乎是。我

皇上至誠法

天

至仁育物。正朝廷。正百官。正萬民。

聖訓諄垂。無微弗至。茲復

御製實心行政說。

申誠維嚴勸懲益切臣循誦恭繹尤當撫衷兢惕
夙夜糾虔與天下臣工濯磨振刷以仰副

大聖人教思无穷之至意者竊惟岳牧命官之朝
知人安民之訓大旨在三德之日宣六德之
祇敬九德之咸事然後俊乂在官百僚師師
撫五辰凝庶績尤復嚴戒逸欲諄勗協恭惟
恐庶官之有曠亦可見正一人之心以治百
官之心遂合百官之心以治萬姓之心無一

日可縱即無一念可乖亦無一事可忽此都
俞吁咈所以寓深意於咨嗟嘆息之中也至
於曰建中曰建極曰仁曰敬曰誠言雖殊而
理則一無非以實心之妙發為實政之善顯
諸禮樂教化垂諸文物典章三代以來名臣
碩輔靡不秉此意為兢兢今

聖天子以朝乾夕惕之淵衷

躬行率教

首揭務實。即立懲時弊。所以

洞鑒夫羣情者。至恣

顯戒。悠忽即確列妄想。所以

儆誠夫官聯者。至肅

示以治心之法。

惕以評論之公。

勉以實福之受。

諭以求治之殷。

警以忠奸之辨所以

詳勗而磨勵之者尤為深切著明

心矩顯垂

政樞徧示凡屬臣僚警心怵目敢不洗心滌慮仰

體

睿懷勤求職業矢誠協力大法小廉以酬


鴻慈教育於萬一也乎臣不勝欽服感悚之至臣

董誥謹拜手稽首敬書恭跋鈐印二臣誥

鑒藏寶璽

金五璽

寶笈三編



董誥書

御製唐寅田家樂十景詩並畫 一冊

本幅紙本。摺裝十幅。皆縱四寸二分。橫九寸

七分。楷書。

御製詩並設色畫

御製唐寅田家樂十景即用原韻 好雨初收碧

宇晴。開門山色遠。相迎素心過。訪知清興斗酒

雙柑約聽鶯。溟濛遠岫雲凝雨。寂靜閒庭花

冒烟坐養天和甘守素無人誰贈繞朝鞭。竹
籬掩映臨汀渚岸柳依依綠漸齊。一帶斜陽含
錦浪浴波鷺鴨欲歸棲。好春晴雨候全符。碧
浪一灣柳幾株。又兆篝車今歲滿。攜筇隴上話
農人。萬縷晴絲舒柳眼。一溪暖浪漾芹芽。山
環水抱開生面。別有幽居三兩家。好春力作
事東疇。飽煖仍從勤苦求。叱犢催耕攜婦稚。執
鞭未肯伺公侯。矮屋疎籬野老棲。萬竿修竹

綠盈隄。紙窗藤榻絕塵俗。過客不須凡鳥題。

選林紫翠留斜照。川印清輝風簟收。晤對平陂

論穉事。碧筒傾注正新筍。禿樹柴門臨曲水。

盈疇禾黍喜多多。東崖晃漾月初上。童子歸來

扣角歌。烟霞嘯傲抒才思。陶令應輸漉酒巾。

田舍風光誰晚得。桃花巷裏一詩人。款臣董

誥敬書恭畫鈴印二臣誥

[illegible]

董誥書

御製題憚壽平仿倪瓚十萬圖詩並畫

一冊

本幅紙本。摺裝十幅。皆縱四寸二分。橫九寸

七分。楷書。

御製題憚壽平仿倪瓚十萬圖詩

前已恭載

並設色畫

一萬竿煙雨。二萬峯雲起。三萬壑爭流。四萬

頃蒼波。五萬點青蓮。六萬松疊翠。七萬卷書

樓。八萬樹秋聲。九萬山飛雪。十萬橫香雪。款

臣董誥敬書恭畫鈐印二臣誥

鑒藏寶璽

五璽

寶笈三編

董誥畫墨莊覽勝 一冊

本幅紙本摺裝十二幅皆縱一尺二寸四分
橫一尺五寸八分設色畫各有隸書標題一
紅杏書樓二萬柳書堂三華溪書舫四綠天
書舍五荷風書閣六蘿月書軒七桐陰書館
八天香書院九竹翠書齋十立雪書帷十一
梅花書屋十二萬卷書城款臣董誥恭畫鈐

印二臣誥

御筆分題楷書

萬笏蒼茫插遠天。喬松紅杏滿樓前。白雲初起
連林靄。中有高人讀古編。春水淪連拍柳隄。
千絲萬縷綠初齊。虛堂靜賞韶光好。檢點縹緲
課小奚。剡溪試放載書舟。汗漫真如天上遊。
夾岸緋桃妙烘染。碧崖高迥挂飛流。黃梅雨
足綠天深。展得芭蕉數尺陰。茅舍清幽擁書坐。
階前新碧接溪潄。朱華碧蓋貼波融。十畝荷

香四面風。几攤書對君子賞心茂叔古今同。
薜蘿深處月昏黃。蘆荻蕭蕭遍野塘。寂靜芸
帷宜夜課。溯洄引興水中央。數間茅屋碧桐
陰。野水含煙淨遠岑。來學雅宜趁秋爽。瑤編課
讀任招尋。碧嶂清溪束白雲。雲中桂子散幽
芬。一枝折得登仙籍。寄語書帷勉力勤。平坡
萬个夏簑簑。漱石清流滿澗香。環繞庭除陰芳
碧。猗猗有斐映絢囊。滿山飛雪色皚皚。凍合

前溪暗放梅。擁鼻下帷校。載籍柴扉無暇為。君
開。凍雲層疊徧溪山。暢發寒梅萬樹斑。高士
閉關讀周易。窓間凝望罷追攀。緗笈芸函蘊

素芳。書城畫冊妙含藏。拈題品繪皆餘事。寓物
不留理最詳。甲子仲夏月御題分鈐寶嘉慶十

一

鑒藏寶璽

五璽

寶笈三編嘉慶御覽之寶茂對時

育萬物

董誥畫二十四番花信風圖 一冊

本幅紙本十二對幅皆縱六寸橫四寸四分
設色畫花卉各有楷書標題。小寒一候梅
花二小寒二候山茶三小寒三候水仙四大
寒一候瑞香五大寒二候蘭花六大寒三候
山礬七立春一候迎春八立春二候櫻桃九
立春三候望春十雨水一候菜花十一雨水
二候杏花十二雨水三候李花十三驚蟄一

候桃花十四驚蟄二候棠棣十五驚蟄三候
薔薇十六春分一候海棠十七春分二候梨
花十八春分三候木蘭十九清明一候桐花
二十清明二候麥花二十一清明三候柳花
二十二穀雨一候牡丹二十三穀雨二候茶
薼二十四穀雨三候楝花款臣董誥恭畫鈴
印二臣誥

御筆分題楷書

萬卉含生屬化工。一番花信一番風。南枝預報
真消息。冷艷先舒冰雪中。一樹千葩吐絳蕤。
蒸霞爍日發華滋。歲寒不覺冰霜厚。密蕊偏宜
栗烈吹。冉冉凌波洛浦來。粉蕤雅伴玉堂梅。
衝寒能耐嚴飈拂。引領羣芳次第開。葉青花
紫錦雲裳。耐雪迎風結瑞香。候近歲寒彌散彩。
先將冷骨傲東皇。淨質經秋綴佩餘。一華一
幹帶烟舒。春回空谷傳芳信。幾轉光風新歲初。

婆娑幽客涵光澤。玉蕊團團蘊棄馨。婀娜輕
盈倚文石。梅兄清韻結忘形。嫩黃拓顏色鮮
新。帶雪凝烟糝玉塵。喜應東風第一候。迎來錦
繡上林春。初韶入律吐繁英。料峭香舒碧葉
繁。小園春光敷駘蕩。紫霞飛雨濯姿清。珠露
攢成白玉毬。蓬池春盎望仙儔。妍姿團簇衆芳
繼。編袂翻風下十洲。江鄉春仲菜花黃。老圃
生涯始艷陽。迴憶甲辰泊平望。清香兩岸送輕

航和颺蕩漾數花塢紅杏翩翩錦萼舒好雨
初沾益繁茂明霞灼爍浥滋餘淡雅纖穠颺
細芬素紉薄剪散輕雲玉京仙子來瑤闕披拂
如聞柏麝薰春臨仲月始舒葩絳霧繽紛爍
錦霞灼灼其華吐濃艷仙源渺漠引漁槎棟
棠花發颺條風葢拓金黃裏露融綠葉扶疎含
靜馥無言桃李態相同連春接夏颺微風麗
萼參差紫間紅香氣氤氲霏嫩葉化工裁剪出

芳叢臨風濯錦艷三春。袅娜香肌丰韻新。浸
擬太真亭北立。畫圖省識效輕嚬。和颺玉雨
潤瀛洲。流雪芳春。素艷浮縞袂。低翻攢粉萼。瑤
臺捧出水晶毬。旖旎霏微團白雪。素膚皓質
結芬芳。幽葩倚石日滋茂。粉墨調和蘊靜香。
始華恰值清明候。碧葉黃蕤拂惠風。應律知時
引威鳳。朝陽高幹挹童童。一犁甘雨浹郊原。
千畝芄芄麥頽翻。祈實滋榮民足食。天桃穠李

豈同論 風風雨雨起三眠萬縷千絲罥晚煙
搖曳柔條任蕩漾漫空雪蕊態迴旋 品尊魏

紫亞姚黃穀雨舒葩殿衆芳四照玉堂春富貴
一枝獨冠百花王 羣芳爛漫盛三春更有名

花步後塵紅萼舒香縈翠蔓風酣雨醒倍清新

紫絲暈粉綴英繁晚客欣逢廿四番鼓盪陽
和敷品彙披圖省歲治功存丁卯立春御題分

鈴寶比德重朗潤六會心不遠五德充符重激五

觀

六重

漱潤

古香

一重

太璞

一重

幾暇

怡情

得佳趣

鑒藏寶璽

金五璽

寶笈

三編

嘉慶

御覽

之寶

茂對時

育萬物

戴衡亨畫壽寓同春 二冊

本幅紙本二冊共摺裝二十幅皆縱四寸六分橫一尺六分設色畫各有隸書標題小註

畫意所本上冊一堯年擊壤

本通鑑前編帝堯五十載遊於

康衢有老人擊壤而歌

二華渚游星

本宋書符瑞志堯舜登首山觀河渚

有五老遊焉益五星之精也

三絳縣尊師

本左傳絳縣老人為絳縣師

四榮琴樂志

本家語榮啓期年九十五抱琴而歌

五筠杖高譚

本拾遺記堯時居山有老叟五人握青筠杖共談天地

六雞窠壽瑞

本

平廣記揚邈舉年八十一父百二十祖百七

九十五梁上有雞窠小兒其九代祖也

皓首傳經本前漢書濟南伏生八灌園如意

本北史張文胡老而灌園九煙波釣叟本唐書張

暇日以如意擊几自樂志和自號十詩畫樵翁本原化記崔希真宅

烟波釣叟十詩畫樵翁有老人避雪園畫絹

素而去尋至蘆洲款臣戴衢亨恭畫鈴印二

小艇想客在焉款臣戴衢亨恭畫鈴印二

御筆分題楷書

耕田鑿井九州同擊壤康衢遍史童不識不知

順帝則穆然心溯有虞風 觀水登山堯獨憂
天心感召五星游光騰華渚連珠貫瑞兆平成
禹績修 城祀傳餐晉乘沿數徵亥字滂疑年
禮隆養老掌都鄙謝遇尊師趙武賢 松岡平
遠暢幽尋一曲清歌自抱琴不鼓瑤徽樂吾志
高山流水結知音 忘年仙友共談元握杖探
尋天地原無始之先究何有不須饒舌五千言
三世享年四百歲祖孫父子地行仙鳳巢珠

樹非真境豈及雞窠壽箕綿

竹密岩深結草

亭耆儒皓首尚談經心傳口授聖賢奧以道接

言志以寧

老圃畸人巖下居呼童澆灌潤新

蔬山中清課多如意分得飛流注碧渠一竿

風月半溪煙小艇浮波歷歲年雖不得魚無後

患釣絲肯為利名牽

素几欣逢真粉本披尋

清景到溪濱扁舟寄蹟雪蘆岸煮茗敲吟正待

君已巳孟春御題

下冊一蒼髯受卷

本古詩
弟子蒼

昇年八十養生
世世受遺書

二繡陌鋤禾

本應璩詩昔有
行道入陌上見

三史年壽各百
餘相與鋤木秀

三池上安居

本白居易池上
篇十畝之宅五

畝之園有吏在
中白積飄然

四橋頭醉舞

本朱松詩可是
太平景象溪橋

醉舞
華顛

五春生杖履

本蘇軾詩白首歸來種
萬松春在先生杖履中

六

香滿花籠

本陸游詩會稽城南賣花翁
朝賣一株紫萼賣一枝紅

七屠

蘇暢飲

本范成大除夕詩老翁飲罷
笑然發明日重來醉屠蘇

八月樓

弄笛

本高啟詩君山老人弄
長笛和我此歌吹月明

九雪嶺看梅

本謝

榛詩七十二峯春雪
裏枝藜隨意看梅花

十白髮承平

本文微明
歲朝詩孫

曾次第前稱壽自款印同前
喜承平白髮人

御筆分題楷書

師弟同登上壽年不知甲子互鑽研養生妙理
存於已一卷心經世世傳壽寓相逢三老農
芸田終畝尚從容長年力作忘疲倦彊勉克勤
儆怠慵十畝宅中五畝園池清林淡繞庭軒
老翁策杖閒調鶴佳境安居隔世喧花繁柳
密趁新莎崖若張圖鳥若歌賽社歸來欣薄醉

板橋緩度樂婆娑
種松已作老龍鱗歲月悠

深古黛皺貞幹不凋素心結盤桓杖履十分春

萬卉千葩滿翠籠一株紫間一枝紅會稽春

色年年盛韻事偏鍾黃髮翁
茅簷餞歲樂年

康老友招邀倚戶望家有屠蘇新釀熟共君寂

後盡壺觴
大隱君山秋夜清高樓倚檻望瑤

京披帷童子心相印長笛一聲皓月明
瓊葩

粉屑雪兼梅五出花園萬樹皚七十二峯香遍

滿杖藜緩步上瑤臺
孫曾繞膝拜蒼顏慶衍

齊眉鬢已斑世際昇平開壽宇嘉祥疊見繼衡

山已巳孟春御題分鈐寶會心不遠五重德克符

五澄觀三重怡神三得佳趣三幾暇怡情三嘉慶

御筆

鑒藏寶璽

五重全

寶笈三編嘉慶御覽之寶一重所寶

惟賢惟幾惟康

英和書

御製壬戌上元後一日小宴廷臣即席成什並臣

工恭和詩一冊

本幅仿金粟牋本摺裝十幅皆縱五寸六分
橫一尺二寸二分楷書

御製詩

廣廷錫宴冠裳集永慕

考慈感寸心顧畏民若治不易欽承

天命凜難諶，藐躬矢慎彌。勤政廢尹抒，忠各獻忱調。
鼎廟廊資輔，弼求賢匡贊。意誠深，壬戌上元
後一日小宴廷臣，即席成什御製鈴寶二嘉慶
臣工恭和

新正宴集傳

宸詠共仰孜孜

望治心饑渴為懷

誠已動橈槍迨掃語當謹

旰宵廕念賢良佐。夙夜寧忘敬慎忱。衰老益慚謀
慮拙。撫衷恐負

主恩深。臣王杰恭和鈐印。二臣杰。布德乘春洪
錫福。欽惟

慈

孝早傳心。九衢歌舞人民樂。萬國梯航遠邇譔。酒
醴笙簧沾

渥澤。雕蟲篆刻罄微忱。同賡

聖製欣還勉

贊治求賢

訓義深臣劉墉恭和鈐印二臣墉 翊節近

光沾湛露載慶共仰

聖人心爰咨爰度民為本求莫求寧

帝以謨有象坡埏翔大化非才葵藿矢微忱詰朝

雨水陽和暢覩土欣看耒耜深臣董誥恭和

鈐印二臣誥 時數臣福先民福月滿

天心印

睿心。片刻咨謀。塵在遠。四方憂樂。祇求謨。俾予從
欲。應。徯。志。惟。

帝其難欽。念忱獨愧。驚哀無以效。五宵莫罄報酬。
深。臣。朱。珪。恭。和。鈐。印。二。臣。珪。庭。盜。唐。花。籠。
蟋蟀。鳴。春。物。性。向。榮。心。需。雲。矧。復。叨。

慈惠。塵露何能効。棐謨。桐鼓即開旋。帥宴。糠燈最
塵。愛。民。忱。

詩成聯什三元夕。佳節思

親

慕倍深。臣彭元瑞恭和鈐印。二臣瑞。暝日舒長

過令節。韶光淡沲見

天心。鎬京佳宴欣初飫。蜀道餘氛淨可謐

擣藻生春開拙目。當筵送喜遂愚忱。頻煩珍品榮

叨

賜湛露同賡感最深。臣英和恭和鈐印。二臣英和

敬書 今日需雲承

聖澤祥風和氣藹

天心春從喜起

元音播慶叶清寧

一德湛湛露蓂蕭

釀示惠涓流最壞壘殫忱聯茵鵬鷺真非分拜

賜彤墀感愧深臣戴衡亨恭和鈴印二臣戴衡亨

恭和 賡揚喜起華筵啟

聖主敷言側席心

化洽大鈞千載會

恩施泰寓萬方謔登瀛陋昔夸文采燕鎬欣茲勵

斐忱共沐

昇平符景運兢兢何以答

高深臣趙秉冲恭和鈴印二臣秉冲敬書
百爾

趨蹌承曲宴一哉綸綍仰

皇心民依在抱圖無逸

帝謂仔肩命匪謬

仗外星輝看會弁雲中日麗獻丹忱明良歌叶

光華旦

慈惠恩霑湛露深臣黃鉞恭和鈴印二臣黃鉞

款臣英和奉

勅敬書鈴印二臣英和敬書

鑒藏寶璽

五璽全

寶笈三編

黃鉞畫應敘徵豐 一冊

本幅紙本。摺裝八幅。皆縱三寸七分。橫八寸四分。設色畫夏景山水。各有隸書標題。一梅林甘雨。二荷沼薰風。三麥隴雲屯。四槐陰日午。五南畝耕烟。六西山挹翠。七芳塘蒲綠。八茅屋榴紅款。臣黃鉞恭畫。鈐印二。臣鉞。

御筆分題楷書

江南四月熟黃梅。甘雨優沾品彙該。正是農家

力田候稻畦，麥隴徧滋培。
艤舟小渚，赤欄通柳蔭。
荷香散遠風，茅屋畸人觀。
物候披薰思入五絃中。
逢年麥熟，徧東臯背，負肩挑不憚勞。
繪出昇平真氣象，黃雲層疊倚林高。
高槐繞屋綠初齊，佳蔭扶疎報午鷄。
欲話桑麻招益友，杖藜緩步板橋西。
漪瀾溶漾滿陂塘，兩岸風來擺極香。
晚牧言歸十畝畔，一溪烟景倍滄茫。
凝青聳翠俯清溪，出岫英英碣壑迷。
橋北浮

嵐益深遠探幽還在萬峯西
細柳新蒲映碧

津漁村蟹舍對溪潄江鄉風景畫中見迴憶雲

烟二十春
槐綠榴紅夏正長數椽茅屋背崇

岡垂紳絕壁玉龍舞水態雲容互顯藏甲子季

夏御題分鈴寶古香
重太璞重德充符重澂觀

重會心不遠比德朗潤

鑒藏寶璽

全五璽

寶笈三編



唐岱畫山水 一軸

本幅紙本縱七尺九寸七分橫四尺四寸設
色畫千疊林巒自題萬葉秋聲裏千山落照
時乾隆元年秋日奉

勅擬范寬法許渾句臣唐岱恭畫鈐印二臣唐岱朝
朝染翰

軸內鈐

高宗純皇帝寶璽乾隆御覽之寶

鑒藏寶璽

五

寶笈三編

珍圖舊帙

一冊

本幅絹本十對幅右幅設色畫

二幅十幅用界畫餘並同

一團扇式縱七寸橫六寸六分籤題宋宣和

花蝶寫生鈴璽三宣和雙龍小璽御府之印

上有御押二圓式徑七寸八分籤題宋人漢

宮春晚無款印

幅下二三

三橢圓式縱七寸八分

橫八寸一分籤題宋人瑤池仙會四圓式徑

六寸二分籤題宋人仕女折梅五縱六寸橫

七寸七分籤題父宣西旅貢藝款父宣製隸

原題巨藝遠貢到朝堂猛勢狃狃四尺強公

爽寶賢非寶物切陳明訓成周玉東楚湯屋

鈴印一湯屋之印六縱六寸六分橫五寸五

分籤題元人應真補衲七橢圓式縱七寸八

分橫七寸一分籤題元人松下觀泉以上二幅無款

印八縱七寸五分橫五寸五分籤題明宣德

夏果寫生款宣德三年戊申武英殿御製賜

臣邢寬鈐璽一。武英殿寶九。縱六寸六分。橫六寸一分。籤題明宣德花果都監鈐璽一。武英殿寶十。縱九寸。橫五寸五分。籤題仇英錦庭嬰浴款實父仇英製鈐印一。十洲。左幅。縱橫同右。

御筆分題楷書

戲蝶戀花粉翅翔小叢低葉共尋芳
艷陽不到龍沙地春去難招故國香
韶華暖景數未央

春樹茂密籠朝陽。朱欄碧瓦絢光彩。瞳矐照耀
金烏翔。宮女晨起慵無力。強抱瑤琴炫粧飾。盈
階倚戶盡嬌娥。獻媚爭妍侍帝側。史冊曾記放
三千。未放奚啻數倍焉。我朝內廷不滿百。披圖
作鑑奕葉傳。雅集飛瓊侶。瑤池路豈遐。依巖
皆鶴鹿。繞樹遍雲霞。古洞封蒼蘚。平坡糝玉沙。
不知塵世事。雪藕伴胡麻。南枝已探歲華新。
石畔先知消息真。傳語侍兒輕折取。幽芬滿貯

玉壺春

天西貢巨獎猗猗高四尺虎豹可並

驅狐兔。速避跡。成周夙傳聞。召公訓陳。藉國寶。

惟賢才異物。誠無益。百度協貞亨。勿為耳目役。

法言實可師。警心題畫冊。布席坐松陰。靜玩

毒龍舞。出世無牽纏。破衲自修補。補衲即補心。

進步歸淨土。衲敝尚可修。心失皆壞腐。避世

深山歲月多。不衫不履坐婆娑。長松落落陰巖

下。曲水泠泠匯澗阿。有術觀瀾心。宅靜無聲接

籟耳根和盈科不息神相印。進益工夫自揣摩。

梅子熟團樂。鱸魁竊取餐。寫生形態肖。小道

亦堪觀。綏山仙種燦黃芝。珍果名葩絢艷姿。

滿貯筠籃清馥漾。筆花先發上林枝。白石迴

欄庭院靜。文峯削劣倚芭蕉。盆中香水淨塵垢。

慈母生憐兒態嬌。戊辰仲夏月御題分鈴寄嘉

慶御筆。三藝與道兼。二嘉慶。四筆正心正。嘉慶

御筆之寶。惟精惟一。

鑒藏寶璽


五璽金

寶笈三編

收傳印記許氏廷美□□清玩真玩印半八山

主人王□之印

謹案邢寬字用夫。無為人。永樂甲辰賜進士
第一。授修撰。官至學士。見江南通志。



緙絲


高宗純皇帝御筆四得論 一軸

本幅縱四尺六寸橫一尺四寸三分緙絲恭
摹

御筆行書四得論 論載續編

乾隆庚戌仲秋月上瀚御筆摹寶二八徵耄念自
彊不息

鑒藏寶璽寶笈三編石渠寶笈所藏



緋絲

高宗純皇帝御筆四得續論 一軸

本幅縱四尺五寸七分橫一尺四寸三分緋絲恭摹

御筆行書四得續論

論續編

乾隆庚戌中秋日御筆摹寶二八徵耄念之寶白
彊不息

鑒藏寶璽寶笈三編石渠寶笈所藏

